

Radøy kommune

Saksframlegg

Saknr	Utval	Type	Dato
028/2017	Formannskapet i Radøy	PS	04.05.2017

Sakshandsamar	Arkivsaknr.:	Dokumentnr.:
Mette Fauskanger	16/2141	17/4025

Forskrift om rett til langtidsopphald i sjukeheim eller tilsvarende bustad særskilt tilrettelagt for heildøgntenester i Radøy kommune - kriterier og ventelister

Saksopplysingar: Bakgrunn

Stortinget vedtok 13. juni 2016 endring i [Pasient- og brukerrettighetslov](#) samt i [Helse- og omsorgstjenestelov](#) om rett til langtidsopphald i sjukeheim eller tilsvarende bustad særskilt tilrettelagt for heildøgntenester. Kommunen er her pålagt å utarbeide kommunale kriterier for tildeling av nemnde type opphald, samt tildeling av plass på venteliste. Det skal utformast kommunal forskrift med iverksetting frå og med 01.07.2017.

Saksopplysningar

Regjeringa vil innføre nasjonale kriterier for langtidsopphald i sjukeheim eller tilsvarende bustad. Hensikta er mellom anna å bidra til at tildelingsprosess i kommunane vert meir forutsigbar og open. Nasjonale kriterier er tenkt iverksett etter evaluering av forsøksordning med statleg finansiering av omsorgstjenesta, samt at ein har fått erfaringar frå kommunale forskrifter.

Fram til nasjonale kriterier er vedtatt må den einskilde kommune utforme lokal forskrift med kriterier for tildeling av langtidsopphald i sjukeheim eller tilsvarende bustad. Kommunen skal føre ventelister over pasienter som venter på kommunal langtidsplass, og regulere korleis kommunen skal sikre forsvarleg oppfølging av dei pasientane som står på venteliste. Plikt til å utarbeide kommunale kriterier vert avgrensa til langtidsopphald i sjukeheim eller tilsvarende bustad særskilt tilrettelagt for heildøgntenester.

[Forvaltningslova](#) kapittel VII omtaler formalkrav ved etablering av kommunal forskrift. Forvaltningsorganet skal sjå til at saka er så godt opplyst som mogleg før vedtak vert å treffa, jamfør Forvaltningslov § 37: «*Offentlige og private institusjoner og organisasjoner for de erverv, fag eller interessegrupper som forskriftene skal gjelde eller gjelder for eller viss interesser særlig berøres, skal gis anledning til å uttale seg før forskriften blir utferdiget, endret eller opphevet. Så langt det trengst for å få saken allsidig opplyst, skal uttalelse også søkes innhentet fra andre.*

Forvaltningsorganet bestemmer på hvilken måte forhåndsvarslingen skal foregå og kan sette frist for å gi uttalelse...Uttalelser skal gis skriftlig. Forvaltningsorganet kan i den enkelte sak samtykke i at uttalelse kan gis muntlig. Når saken egner seg for det, kan forvaltningsorganet bestemme at forhandling om saken skal foregå i møte»

Når det gjeld formkrav og kunngjering viser ein til Forvaltningslov § 38: «*En forskrift skal inneholde:*

- a. *En uttrykkelig henvisnings til den eller de bestemmelser som gir forvaltningsorganet hjemmel til å utferdige forskriften, og en henvisning i samsvar med EØS-høringslov §12 viss forskriften inneholder tekniske regler i henhold til nevnte lov*
- b. *nevne det forvaltningsorgan som har gitt forskriften*
- c. *kunngjøres i Norsk Lovtidende*
- d. *i kunngjøringen betegnes som forskrift*

Når praktiske hensyn gjør det hensiktsmessig, kan kunngjøringen avgrenses til en kort omtale av forskriften med opplysning om hvor teksten kan fåes eller finnes.»

Vurdering

Kommunen har ansvaret for å sørge for kommunale helse- og omsorgstenester, og det er ein føremon at tildelingsprosessar for enkeltvedtak er kjent og forutsigbar. Kommunal forskrift om rett til langtidsopphald skal gje tryggleik for at den einskilde sine tenestebehov vert sett og vurdert, samt at tilbod om langtidsplass i sjukeheim eller tilsvarande bustad er tilgjengeleg når behov oppstår.

Tenestemottakar skal ha krav på naudsynte og forsvarlege tenester uavhengig om ein står på ei venteliste eller ikkje. Vidare skal sakshandsaming følgje forvaltningslova sine reglar, samt dei krav som gjeld om klage som følgjer av pasient- og brukarrettigheitslov.

Rådmannen har etablert administrativ arbeidsgruppe for å utarbeide framlegg til kommunal forskrift. Arbeidsgruppa har utforma framlegg om kommunal forskrift som i hovudsak ikkje avviker frå gjeldande praksis om lågaste effektive omsorgsnivå ved tildeling av tenester og ressursinnsats. I tillegg legg ein til grunn målsetting som seier at omsorgstenester skal ytast i eigen heim så lenge den einskilde ønskjer det og det er fagleg forsvarleg.

I høve til formalkrav ved etablering av kommunal forskrift vurderer rådmann at det er føremålstenleg at formannskapet fattar vedtak om at framlegg til kommunal forskrift vert å sende på høyring. Etter avslutta høyringsperiode vil formannskapet handsame saka, og vurdere eventuelle merknader før saka går vidare for endeleg handsaming i kommunestyret i juni.

Konklusjon

Rådmannen rår til at framlegg til kommunal forskrift om rett til langtidsopphald ved sjukeheim eller tilsvarande bustad særskilt tilrettelagt for heildøgntenester i Radøy kommune vert lagt ut på høyring.

Framlegg til kommunal forskrift, med eventuelle merknader, skal handsamast på ny i formannskapet 01.06.17. Endeleg godkjenning av kommunal forskrift skal handsamast i kommunestyret 15.06.2017.»

Rådmann sitt framlegg til vedtak:

Formannskapet godkjenner at framlegg til «Forskrift om rett til langtidsopphald ved sjukeheim eller tilsvarande bustad særskilt tilrettelagt for heildøgntenester i Radøy kommune – kriterier og venteliste» vert lagt ut på høyring.

Høyringsfrist vert sett til 26. mai 2017.

Formannskapet i Radøy - 028/2017

FS - handsaming:

Kommuneoverlege Grethe Fosse og kommunalsjef orienterte i saka. Forskrifta inneheld kriterar som Radøy kommune legg til grunn, for tildeling av langtidsopphald i sjukeheim eller tilsvarande bustad, særskild tilrettelagt for heildøgns helse- og omsorgstenester.

Forskrifta seier korleis Radøy kommune skal følgja opp og ivareta pasient og brukar, som står på venteliste til langtidsopphald i sjukeheim, eller tilsvarande bustad.

Det er inntaksnemnda i Radøy som forvaltar forskrifta og sikrar at dei med størst behov får tenester først. Forskrifta skal også sikra tildeling av forsvarlege helse- og omsorgstenester for radværingane når det gjeld langtidsopphald i sjukeheim eller alternativt bu- og tenestetilbod.

Ingen skal få avslag på langtidsplass. Dei som ikkje får plass, blir sett på venteliste. I ventetida på langtidsplass blir det gjort nye vurderingar, slik at det til ei kvar tid er dei med størst behov som får langtidsplass.

Det skal vera tryggleik for at endra behov vert sett og vurdert slik at langtidsplass eller tilsvarande bustad er tilgjengeleg når behov oppstår.

FS - vedtak:

Formannskapet godkjenner at framlegg til «Forskrift om rett til langtidsopphald ved sjukeheim eller tilsvarande bustad særskild tilrettelagt for heildøgntenester i Radøy kommune – kriterier og venteliste» vert lagt ut på høyring.

Høyringsfrist vert sett til 26. mai 2017.

Vedlegg:

Høyringsnotat til Forskrift om rett til langtidso (121456)

Forskrift om rett til opphald i sjukeheim eller tilsvarande bustad særleg tilrettelagt for heildøgns tenester